



Republika e Kosovës – Republika Kosova  
Paneli Zgjedhor për Ankesa dhe Parashtrësa  
Izborni Panel za Žalbe i Predstavke

Anr.659/2021

**Paneli Zgjedhor për Ankesa dhe Parashtrësa (PZAP)**, me panelin e përbërë nga gjyqtarët: Ferki Xhaferi kryesues, Faton Ademi dhe Rustem Thaqi anëtarë, duke vendosur përkritazi me ankesën e Organizata Joqeveritare BIRN dhe Internews Kosova, me seli në Prishtinë, e paraqitur kundër Subjektit Politik Partia Demokratike e Kosovës (PDK), me seli në Prishtinë, për shkak të thyerjes së heshtjes zgjedhore, në rrjete sociale, për Zgjedhjet Lokale 2021, të datës 17.10.2021, në seancën e panelit të mbajtur me datë 20.10.2021, mori këtë:

## V E N D I M

**I. PRANOHET** e bazuar ankesa Anr.659/2021 e datës 18.10.2021, e paraqitur nga Organizata Joqeveritare BIRN dhe Internews Kosova, me seli në Prishtinë, ndërsa Subjektit Politik Partia Demokratike e Kosovës (PDK), i shqiptohet dënim me gjobë në lartësi prej 1,200.00 (njëmijedyqind euro), për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, me rastin e thyerjes së heshtjes zgjedhore përmes rrjeteve sociale, për zgjedhjet lokale të datës 17.10.2021.

**II. DETYROHET** Subjekti Politik Partia Demokratike e Kosovës (PDK), që gjobën e shqiptuar si në pikën -I- të dispozitivit të këtij vendimi ta paguaj në afat prej 15 (pesëmbëdhjetë) ditëve, nga dita e pranimit të këtij vendimi nën kërcënim të dënimit shtesë.

## A r s y e t i m

Më datë 18.10.2021, PZAP-i ka pranuar ankesën Anr.659/2021 të datës 18.10.2021, të paraqitura nga Organizata Joqeveritare BIRN dhe Internews Kosova, me seli në Prishtinë në të cilat pretendon se Fiolla Dembogaj, kandidatë për kuvend komunal në Komunën e Pejës, nga radhët e Subjektit Politik Partia Demokratike e Kosovës (PDK), në ditën e zgjedhjeve me datë 17.10.2021, ka bërë një postim duke përdorur një platformë të krijuar nga KQZ, në mënyrë që qytetarët të cilët votojnë të mund të tregojnë që kanë votuar dhe në këtë mënyrë të inkurajojnë edhe të tjerët për të dalë dhe për të votuar. Mirëpo kandidatja në fjalë, pas shpërndarjes së këtij postimi, si mbishkrim ka vendosur edhe numrin e subjektit politik që e përfaqëson 177, si dhe numrin të cilin ajo e mban si kandidatë nr.9.

Me këtë rast paraqitësi i ankesës thekson se këto veprime bien ndesh me Planin Operacional për Organizmin e Zgjedhjeve Lokale, Ligjin për Zgjedhjet e Përgjithshme dhe Rregullën Zgjedhore 13/2013.

Në mbështetje të pretendimeve të tyre Organizata Joqeveritare BIRN dhe Internews Kosova ka bashkangjitur si dëshmi një fotografi të printuar të shkeljes së supozuar sipas ankesës.

PZAP, më datë 18.10.2021 i ka paraqitur Subjektit Politik Partia Demokratike e Kosovës (PDK), kërkesë për përgjigje lidhur me ankesën Anr.659/2021 me të cilën ka kërkuar që të përgjigjet deri më datë 19.10.2021 në ora 09:00.

Subjekti politik PDK, me datë 19.10.2021 në PZAP, ka paraqitur përgjigje në ankesë me të cilën pretendimet e ankuesit janë verifikuar nga ana e tyre dhe se të njëjtit kanë zhvilluar komunikime me kandidaten Fiolla Dembogaj, lidhur me shkeljen e pretenduar në ankesë.

Më tej në përgjigje në ankesë PDK, kanë shtuar se me 16.10.2021, kandidatja në fjalë është kontaktuar nga Shtabi Zgjedhor selia qendrore e PDK, e cila ka kërkuar që të respektohet heshtja zgjedhore nga kandidatët e Subjektit Politik PDK.

Në përgjigjen sqaruese të cilën e kishte bërë gjatë komunikimit kandidatja Fiolla Dembogaj kishte pranuar se gjatë fushatës llogaria e saj facebook është administruar nga motra e saj e cila gabimisht ka postuar në ditën e zgjedhjeve.

PDK, në përgjigje në ankesë shton se është e padrejtë që përmes postimeve të profileve private të adresohet ankesa në drejtim të PDK-së, dhe se e njëjta nuk mban përgjegjësi për veprime të tilla individuale dhe kërkon që ankesa e parashtruar nga Organizata Joqeveritare BIRN dhe Internews Kosova, të hudhet poshtë si e pabazuar.

PZAP-i, pas shqyrtimit paraprak të bazueshmërisë së ankesës dhe vlerësimit të pretendimeve ankimore, provave materiale – fotografive, që gjenden në shkresat e lëndës, në kuptim të nenit 117 paragrafi 2 dhe 3 të LZP-së, gjeti se:

#### **Ankesa është e bazuar**

Paneli, pas shqyrtimi të shkresave të lëndës ka konstatuar se Subjekti Politik Partia Demokratike e Kosovës (PDK), përkatësisht Fiolla Dembogaj, kandidate për kuvend komunal në Komunën e Pejës, gjatë heshtjes zgjedhore në rrjetin social “Facebook” ka bërë fushatë zgjedhore ashtu që përmes rrjetit social “Facebook” ka bërë një postim ku shihet edhe fotoja e saj me numër të subjektit politik, veprim ky që është në kundërshtim me nenin 36.1 pika b) e LZP-së, e cila përcakton “Njëzet e katër (24) orë para hapjes së Qendrës te Votimit

*për hedhjen e votës, e deri ne mbylljen e tyre, subjekteve politike, mbështetësve ose kandidatëve të tyre u ndalohet bërja e fushatës në çfarëdo mënyre”.*

Paneli, konform nenit 8 par. 5 të Rregullave dhe Procedurave të PZAP-it, Nr. 02/2015, me datë 18.10.2021 ndërmori hetim lidhur me pretendimet e paraqitësit të ankesës dhe gjeti se të njëjtat janë të bazuara, sepse postimi i kandidates për kuvend komunal në Komunën e Pejës, Fiolla Dembogaj, ishte i publikuar më datë 17.10.2021 në ora 8:50 në mëngjes, dhe deri në momentin kur është bërë ekzaminimi më datë 18.10.2021 në ora 17:03, ka qenë ende aktiv. Ky publikim nuk ishte i sponsorizuar, por postim privat i vet kandidates në fjalë.

Në raport me pretendimet e Subjektit Politik Partia Demokratike e Kosovës (PDK), se ankesa e Organizatës Joqeveritare BIRN dhe Internews Kosova, duhet të hudhet si e pabazuar ngase postimi ka qenë privat e jo zyrtar i PDK-së, Paneli i vlerësoi si të pabazuara ngase me dispozita ligjore, subjekteve politike apo kandidatëve të tyre iu ndalohet të bëjnë fushatë, në një mënyrë apo tjetër 24 orë para hapjes së Qendrave të Votimit dhe se ka qenë ende aktiv postimi është vërtetuar pas verifikimeve të bëra nga PZAP, andaj si e tillë konsiderohet se është bërë shkelje e heshtjes zgjedhore prandaj edhe se ankesa e Organizatës Joqeveritare BIRN dhe Internews Kosova është e bazuar.

Paneli, vendimin e tij e mbështet në dëshmi të qarta dhe bindëse, konform nenit 117 par.3 të LZP-së, andaj nuk i mori parasysh pretendimet e paraqitësit të përgjigjes në ankesë, pasi që nga ana e tyre nuk u ofrua ndonjë dëshmi e cila argumenton pretendimet e tyre.

Paneli, me rastin e shqiptimit të gjobës si në dispozitiv të këtij vendimi, u mbështet në dispozitat e lart cituara, e në veçanti duke marr parasysh rrethanat e rastit siç janë natyra e shkeljes dhe ndikimit të mundshëm të saj, në procesin zgjedhor, shkallën dhe peshën e shkeljes, gjithashtu si rrethanë paneli mori faktin se subjekti politik të cilit i është shqiptuar gjoja Partia Demokratike e Kosovës (PDK), ka marrë pjesë në zgjedhjet e mëparshme dhe ka marrë mjete financiare nga Buxheti i Republikës së Kosovës për zhvillimin e aktiviteteve të lidhura më fushatën zgjedhore dhe faktin se subjekti politik në fjalë ka bërë përpjekje që ti njoftoj kandidatët e saj lidhur me respektimin e legjislacionit në fuqi me qëllim të evitimit të shkeljeve gjatë heshtjes zgjedhore, e të cilat rrethana kanë ndikuar në lehtësimin e gjobës së shqiptuar si në dispozitiv të këtij vendimi.

Paneli, vlerëson se gjoja e shqiptuar si masë, përveç aspektit të dënimit në raport me subjektin që nuk e ka respektuar Kodin e Mirësjelljes, shërben edhe si masë preventive që në të ardhmen subjektet politike të përmbahen nga veprimet e tilla që bien ndesh me rregullativën ligjore, që cenojnë të drejtën apo lirinë e votimit, në mënyrë që të sigurohet

klime e qete dhe e pershtatshme per votim te lire dhe te pa ndikuar si bazament i nje procesi demokratik zgjedhor.

Nese subjekti te cilit i eshte shqiptuar denimi, nuk e paguan te njejtin brenda afatit te percaktuar ne dispozitiv te tij, atehere ne pajtim me nenin 120.2 te LZP-se, subjektit do ti shqiptohet denim shtese. Ky paralajmerim per denim shtese eshte percaktuar me nenin 120.2 te LZP, i cili percakton: " *Deshtimi per te paguar denimin apo per t'ju bindur nje urdhere te PZAP-it brenda periudhes kohore te saktesuara ne vendimin e PZAP-it, eshte nje shkelje tjetere e ketij ligji qe mund te sanksionohet me denim shtese nga PZAP-i.*", ashtu siq eshte vendosur ne pikene II te dispozitivit te ketij vendimi.

Paneli mbi bazen e te dheneve te lartcekura ne mbeshtetje te nenit 120.1 pika c) dhe nenit 118.1 te LZP-se, vendosi si ne dispozitiv te ketij vendimi.

### **Paneli Zgjedhor per Ankesa dhe Parashtrasa**

Anr.659/2021 me date 20.10.2021

**Kryesues i Panelit**  
**Ferki Xhafri**



***Këshillë Juridike: Kundër ketij vendimi nuk eshte e lejuar ankesa.***